

negata. Precipitque dictum capitulum licenciandis in theologica facultate, quod suis principiis faciant expensas moderatas. . .

1315 . . . Item, diffinitionem anno preterito editam, quod abbates ad studia ordinis solempnia morandi gracia non accedant, nisi prius resignaverint abbacias, sic decrevit capitulum generale temperandum, quod licencia domini Cysterciensis et quatuor primorum cuiuslibet in generatione sua proprii et patris abbatis assensu et voluntate conventus nullus abbas existens ad standum in dictis studiis admittatur.

1316 . . . Item, cum ordo noster multipliciter sit gravatus, capitulum generale ordinat, quod mediocris et moderata fiat contribucio pro servicio domini pape facto et aliis expensis factis et faciendis in Romana curia et pro domino cardinali nostro, que contribucio domino Cysterciensi et quatuor primis committitur ordinanda, ita quod abbates in provincia Burdigalensi et ceteri in Monte Pessulano certo mandato domini Cysterciensis, illi vero, qui sunt circa^a montes, Rhenum et mare, Parisius in sancto Bernhardo in mense Pasche, ceteri autem omnes abbates in Cystercio tempore capituli generalis summas eis impositas absque defectu solvere teneantur. Si vero non solverint locis et terminis nominatis, abbates extra stallum abbatis erunt, donec persolverint, prior vero, cellerarius et bursarius ab officio deponantur nec aliquod officium exequantur, donec persolverint.

1320. Item, commendande devocionis actus, quem nuper¹ illustrissimus princeps dominus rex Portugallie² laudabiliter exercuit, ordinem Milicie Iesu Christi ad defensionem sacrosancte fidei et violencias infidelium propellendas fundando, congaudens cum graciaram accionibus, capitulum generale statuit ad rogatum ipsius domini regis et diffinit, quod paternitas predicti ordinis milicie Iesu Christi, qui iam confirmatus est et nostro ordini incorporatus per summum pontificem, totaliter resideat penes abbatem de Alcovacia³ tamquam patrem abbatem ordinis memorati, qui iuxta decretum et ordinacionem sanctissimi patris nostri

a) citra?

1) 1319. 2) König Diniz el Justo (el Labrador). 3) Alcobaca (in Lusitania et dioecesi Ulissponensi sita). S. Janauschek, *Originum Cisterciensium* tom. I, p. 110.